



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic

Broj: 04-04-20702-94/20 KM
Sarajevo, 16.07.2020. god.

SKUPŠTINA KANTONA SARAJEVO SARAJEVO

PREDMET: Odgovor na „Zastupničko pitanje“

U prilogu dopisa dostavljamo Vam odgovor na postavljeno zastupničko pitanje na 26. Radnoj sjednici Skupštine Kantona Sarajevo održanoj dana 16.06.2020. godine, a od strane zastupnice Neire Dizdarevic.

Pitanje:

“Molim Ministarstvo saobraćaja Kantona Sarajevo za mišljenje u vezi dopisa KJKP GRAS Sarajevo.

Dopisom iz KJKP GRAS Sarajevo tvrde da na osnovu člana 10. Zakona o cestovnom prijevozu FBiH (Službene novine FBiH 28/06, 2/10) uvjete, način i specifičnosti koji se spominju u pomenutom članu treba donijeti Skupština Kantona Sarajevo, a ne Ministarstvo svojim podzakonskim aktom koji potpisuje ministar, te tvrde da postojeći Pravilnik nije usklađen sa federalnim Zakonom o cestovnom prijevozu.”

Odgovor :

Ministar saobraćaja Kantona Sarajevo donio je 2009. godine “Pravilnik o uslovima, načinu i specifičnosti organizacije obavljanja javnog linijskog prijevoza putnika u Kantonu Sarajevo” (“SI. novine Kantona Sarajevo” broj: 28/09) (u daljem tekstu Pravilnik) a isti je donesen u skladu sa tada važećim propisima Zakona o cestovnom prijevozu Federacije Bosne i Hercegovine (“Službene novine Federacije BiH”, br. 28/06).

Zakonom o izmjenama i dopunama Zakonom o cestovnom prijevozu Federacije BiH iz 2010. godine, utvrđeno je da će Skupština kantona uskladiti propise iz oblasti cestovnog prometa, u roku od 90 dana od dana stupanja na snagu Zakona, a do donošenja tog propisa primjenjuju se važeći propisi kantona, ukoliko nisu u suprotnosti sa Zakonom.

Naime, navedenim federalnim zakonom izmijenjena je nadležnost za donošenje propisa uslovima, načinu i specifičnosti organizacije obavljanja javnog linijskog prijevoza u putnika u kantonu, odnosno za njegovo donošenje ovlaštena je skupština kantona, umjesto dotadašnje nadležnosti kantonalnog ministarstva cestovnog prometa.



Ministarstvo saobraćaja je u 2013. godini uputilo u proceduru Zakon o javnom prijevozu putnika u Kantonu Sarajevo usklađen sa odredbama drugih zakona koji na državnom, entitetskom i kantonalnom nivou obrađuju oblast prijevoza putnika.

Skupština Kantona Sarajevo nije usvojila predloženi Zakona o javnom prijevozu putnika u Kantonu Sarajevo.

Kako nije donesen propis o javnom prijevozu putnika u Kantonu Sarajevo u skladu sa Iznjenama i dopunama Zakonom o cestovnom prijevozu Federacije BiH iz 2010. godine, zatraženo je mišljenje za postupanje po Pravilniku donesenom od strane Ministara saobraćaja Kantona Sarajevo 2009. godine, do donošenja novog propisa Kantona Sarajevo u skladu sa Zakonom o cestovnom prijevozu Federacije Bosne i Hercegovine.

Ministarstvo pravde i uprave Kantona Sarajevo dostavilo je mišljenje na tekst Pravilnik broj 03-07-05- 4273/14 od 03.03. 2014. godine.

Činjenica je da novi kantonalni propis nije donesen u propisanom roku pa ni do danas, a da se za sve to vrijeme primjenjivao u dijelu koji nije u suprotnosti sa federalnim Zakonom. S obzirom da je Skupština Kantona Sarajevo odbila prijedlog Zakona o javnom prijevozu u Kantonu Sarajevo, a da se ne mogu ostaviti ne regulisani odnosi u ovoj oblasti, odnosno da ne može postojati pravna praznina, smatramo da je manja šteta primjenjivati postojeći Pravilnik u dijelu koji nije u suprotnosti sa federalnim Zakonom, te neposredno primjenjivati odredbe federalnog Zakona za koje je utvrđeno da se neposredno primjenjuju, nego ovu oblast ostaviti potpuno neregulisanu. Kako je, nažalost, opšta pojava u našem pravnom sistemu - nepoštivanje rokova za usklađivanje propisa, predlažemo da se s vašim upitom obratite Federalnom ministarstvu prometa i komunikacija, koje vrši nadzor nad provođenjem kantonalnog propisa i koje je nadležno da odgovori na ovaj vaš upit.

Ministarstvo saobraćaja Kantona Sarajevo dopisom broj: 04-27-sl./14 od 14.03.2014. godine zatražilo je mišljenje za postupanje po Pravilniku donesenom od strane Ministara saobraćaja Kantona Sarajevo 2009. godine, do donošenja novog propisa Kantona Sarajevo.

Federalnog ministarstva prometa i komunikacija dostavilo je mišljenje na tekst Pravilnik broj 01/6-02-22129-1/14 od 18.12. 2014. godine.

Federalnog ministarstva prometa i komunikacija dalo je mišljenje na Pravilnik o uslovima, načinu i specifičnosti organizacije obavljanja javnog linijskog prijevoza putnika u Kantonu Sarajevo, i to: u suprotnosti sa odredbama Zakona o cestovnom prijevozu Federacije Bosne i Hercegovine ("Službene novine Federacije BiH", br. 28/06 i 2/10) i odredbama Pravilnika o licenci za obavljanje javnog prijevoza u cestovnom prometu ("Službene novine Federacije BiH", br. 65/06, 18/08 i 56/10) su članovi:

član 9. stav (5); član 11. stav (1); član 12. stav (1) tačka b; članu 15. stav (1) tačka a) alineja 1) i 2); član 18 stav (1) tačka c) alineja 1); član 19. stav (4) tačke a), b) i c); član 22. stav (3); član 22. stav (4); član 24. stav (3); član 35. stav (2) i član 36. stav (2).

Nijedna od navedenih neusklađenosti u mišljenju Federalnog ministarstva prometa i komunikacija na tekst Pravilnik broj 01/6-02-22129-1/14 od 18.12. 2014. godine se ne primjenjuje.



Pored toga članom 2. stav 3. Pravilnikom o načinu, kriterijumu i postupku usklađivanja, ovjeri i registraciji redova vožnje, te sadržaju i načinu vođenja registra ("Službene novine Federacije BiH" br. 65/07, 33/11, 57/12, 65/12, 88/13 i 91/14), propisano je:

"Postupak registracije redova vožnje na utvrđenoj mreži linija u Kantonu Sarajevo, može se vršiti prema odredbama važećeg propisa kantona, do stupanja na snagu zakona kojim će biti regulisana ova oblast."

Programom rada za 2020. godinu Ministarstva saobraćaja Kantona Sarajevo planirana je izrada i usvajanje zakonskih i podzakonskih propisa koji definišu oblast JGPP-a u Kantonu Sarajevo - Zakon o javnom prijevozu putnika u Kantonu Sarajevo.

S poštovanjem,

Destaviti:

- Skupština Kantona Sarajevo
- Vlada Kantona Sarajevo
- evidencija
- arhiva

